

Meverly Romano di Departamento di Impuesto:

**Ta recomendabel
pa paga
plachinan di
number awo cu ta
tempran**



E-mail: solodipueblo@gmail.com Prijs: Afl. 1.65 + 0.10 (bbo, bazv, bayp) = Afl. 1.75

URATACA CENTER

Awe December 10

Sweet & Sour
chicken, Aroz,
Salada & Banana

Tel. 585 5212

PARLAMENTARIO ENDY CROES (MEP):

**HENK KAMP DI CAFT TA UN
NOMBRAMENTO ILEGAL. UN
PERSONA CU POCO RESPET
PA SU MES LO A ENTREGA
SU RETIRO**



**Dos homber seriamente
maltrata despues di
pelea cu boter**



**E momento cu
nos como Hende
cuminsa respeta
derecho di otro,
como Pueblo nos
tur ta progresa**

**Polis a intermedia den
problema di pareha**



**Chauffeur a pega soño y bolter
cu su auto den De La Sallestraat**



Homber busca pa husticia haya durante marduga



Oranjestad - Diadomingo marduga durante control polis na varios sitio rond Aruba a topa cu un homber busca pa husticia. Polis a reconoce e persona aki cu e ta wordo busca desde algun dia.

Mesora a detene y pidi transportwagen. Segun nos a compronde lo ta trata di un tal Ricky. Cua caso elo ta involvi aden no ta conoci.



Kockstraat 4 San Nicolaas
Tel: 524-5080

**NOS RESPONSABILIDAD DI LIMPIESA
TA E MIHOR HERENCIA**

Dos homber seriamente maltrata despues di pelea cu boter

De La Sallestraat - Diadomingo marduga pa mas o menos 2'or polisnan ta wordo manda pa Watergate cu ta situa den De La Sallestraat. Eynan lo tawata tin pelea y dos persona lo a resulta herida.

Na yegada polis ta haya dos homber cu basta golpi y na sanger. Mesora a pidi pa ambulance.

Un di e hombernan a haya hopi golpi na cara.

E partido cu e dos hombernan aki a haya problema cu nan lo a usa boter pa maltrata nan. Na yegada di Paramediconan nan a preparanan y sali direccion hospital cu ambos.

No ta mucha cla kiko a conduci na un pelea di a magnitud aki.



Barconan di guerra Irani na Venezuela lo causa alarma?

Esaki lo bay molestia 14 pais

Analistanan ta considera cu e declaracion cu Iran por desplega barconan i guerra di un generacion nobo den awanan Venezolano, ta e mama di tur provocacion, ya cu e por altera e ekilibrio geopolitico di e region y casi cu tur seguridad altera e gobierno di Merca, segun e portal di noticia Miami Herald.

“E yegada di e barconan Irani aki lo altera e orden regional,” Rocio San Miguel, presidente di e Control Ciudadano, unorganizacion no gubernamental cu ta monitorea e forsan arma di Venezuela, a bisa.

“Esaki lo bay molestia tur 14 pais cu tin frontera cu Venezuela y lo genera un situacion indesebel,” el a agrega den un entrevista telefonico desde Spaña.

Mey mey di e creciente tensionnan entre Washington y Teheran, e gobierno Irani a lansa siman pasa un destructor, construi den e pais Islamico, cu propiedadnan scondi cu ta permiti evita e deteccion di radar.

Den un di su prome comentarionan oficial riba e destructor nobo Sahand, cu por transporta helicopter, tira torpedo y deriva avion, Iran a bisa cu e por desplega dos pa tres di nan pa Venezuela.

“Nos plannan pa un futuro cercan ta inclui manda dos pa tres barco, cu helicopternan special na Venezuela, den un mision Suramericano cu por dura cinco luna,” e comandante adhunato di marina Irani, e Contralmirante, Touraj Hassani Moqaddam, a bisa, kende a wordo cita den un articulo di Reuters.

Venezuela a converti den un aliado strategico importante di Iran durante e ultimo 20 añanan di e gobierno Chavista y e dos paisnan a firma acuerdonan economico y militar valua den miles di miyones di dollar.

San Miguel a bisa cu apesar di e acuerdonan, ningun di e proyectonan conhunto tabata tin exito. Pero si e anuncio di Teheran resulta corecto, esey por resulta hopi negativo pa ambos pais, Martin Rodil, un experto den relacionnan Iran-Venezuela a adverti.

“Esaki ta extremadamente peligroso. Ta un locura manda tres barco di guerra den e cura patras di Merca,” Rodil a bisa for di Washington DC. “Si e sosode, lo unico cu Washington lo haci ta manda un portaavion na e costa Venezolano.”

“Iran ta awe den e punto mas critico di e politica exterior di

Merca. E ta un di e temanan caminda cu presidente Donald Trump a pasa mas tempo y a mandamento di e barconan ki lo ta un provocacion cu e gobierno no por a ignora,” el a agrega.

Trump a saca Merca di un acuerdo internacional firma pa e gobierno di Obama pa contene e programa nuclear di Iran y a reintroduci sancionnan comercial na Teheran.

Trump a argumenta cu e acuerdo tin erornan grave pasobra e no a detene e desaroyo di misilnan balistico na Iran.

Apesar di e advertencianan di Washington cu Iran ta sigui ta un peligro pa e mundo occidental, e regimen di Nicolas Maduro na Caracas a sigui mantene relacionnan caluroso cu Teheran.

E relacion aki, ademas di e relacionnan di Teheran cu Havana, Moscu y mas recientemente, Istanbul, a bin ta generando temornan na Venezuela, specialmente debi na e creciente tension entre e paisnan aki cu Merca.

E opscion Grand National Alliance a alega cu Maduro ta dispuesto na crea un crisis internacional si ta necesario pa fortalece su relacion cu e paisnan aki na un momento cu e resto di e comunidad



internacional a bin ta denuncia su regimen pa violacionnan di derechonan humano, rara bes mira na nivelnan di corrupcion y destruccion di e democracia Venezolano.

“E accionnan aki, cu ta parti di un script skirbi na Cuba, a wordo diseña pa crea un conflicto internacional cu e obhetivo di mantene Maduro na poder despues di dia 10 di Januari, ora cu ta supone cu su mandato presidencial lo expira, a cambio di entreg e control di “Nos territorio nacional na Rusia, China, Cuba, Iran y otro paisnan,” e Aliansa a bisa den un comunicado.

“Maduro sa cu e ta hinca entre

cashu cu muraya. E gobierno di Merca y e presidente di Brasil, Jair Bolsonaro, a bisa claramente cu nan lo actua pa reestablece e democracia na Venezuela,” el a agrega.

“E minister di relacionnan exterior di Chile a anuncia publicamente cu varios nacion lo cab cu nan reconocimiento di e regimen Venezolano entrante dia 10 di Januari,” el a agrega. “Cada biaha ta aparece mas prueba den exterior riba e corrupcion grave entre e lider y aliadonan di e revolucion (Chavista) y Maduro a sufrir un derota humiyante durante su mas reciente bishita na Mexico.

Despues di un celebracion di Pasco, dama a wordo seriamente maltrata

Palm Beach - Diadomingo marduga polis a ser pidi cu urgencia altura di Excelsior Casino cu ta situa na Holiday Inn. Eynan parti pafu lo tin un dama herida ariba vloer.

Na yegada polisnan a topa berdad cu un dama, y tawata muestra cu ela wordo agredi of miho bisa nan a dal’e.

E homber mes cu lo a dal e no tawata tey mas.

Parse cu e dama aki lo a caba di celebra un christmas dinner y su pareha of amigo ta esun cu a dal’e.

Ambulance a wordo pidi, y despues di a stabilisa e dama a sali direccion hospital pa un check up. Situacion di e dama ta ok.

Autoridad lo sa ken e agresor ta.



AVISO

En conexion cu un reunion pa su empleadonan, N.V. Elmar ta anuncia orarionan adapta **diaranson, 12 di december, 2018.**

Servicio di caha lo cera pa 2.30 p.m.
Oficina y departamento tecnico lo sera pa 3:00 p.m.

Pa cualkier caso di emergencia, por yama nos Departamento di Storing na 523-7147.

Di antemano nos disculpa pa cualkier inconveniencia cu esaki por causa.



Pa mas informacion yama 523-7100 of e-mail nos via customerservice@elmar.aw

Polis a intermedia den problema di pareha



Gasparito - Diasabra anochi pa mas o menos 11:35, polis a bay un adres na Gasparito unda lo tawata tin problema di pareha.

Na yegada agentenan ta topa un pareha discutiendo. Polis a intermedia, pa evita cu e problema por bay completamente for di man.

Despues cu e logra calma e situacion y tuma tur datos e dama a move di e sitio.

Aparentemente elo a bay keda cerca un amiga.



Kockstraat 4 San Nicolaas
Tel: 524-5080

**NOS RESPONSABILIDAD DI LIMPIESA
TA E MIHOR HERENCIA**

Chauffeur a pega soño y bolter cu su auto den De La Sallestraat


Diadomingo maruga polis ta bay De La Sallestraat, caminda un auto a bolter.

Na yegada polis ta topa cu un auto color blanco Hyundai ariba su banda, e auto a bay y kibra e cura di Colegio E.P.I.

Segun nos a compronde, e auto lo tawata bin di pabou. Paso e rotonde bayendo zuid e chauffeur a pega soño. Esaki a causa cu e auto a sigui bay straight, y no a bira den e bocht.

Debi na e esaki e auto a subi e acera y bay di banda. Ela keda lastra bay dal y kibra cura di E.P.I.

No tawata tin hende herida.



Polisnan a nota un pelea formal y ta logra detene un persona

Hot Zone - Diadomingo marduga polisnan a nota un pelea altura di un Night Club conoci na e Hot Zone.

Lo tawata trata di un pelea formal. Agentenan lo a baha y bay intermedia, cabando e pelea.

E homber ariba e potret aki lo ta e persona cu a start e pelea.

Ela wordo deteni y hiba warda.



Minister Glenbert Croes:

E momento cu nos como Hende cuminsa respeta derecho di otro, como Pueblo nos tur ta progresa



10 di december ta dia Internacional di Derecho Humano. Ta setenta aña pasa cu Asamblea General di Nacionnan Uni a adopta e Declaracion Universal di Derecho Humano. En

conexion cu e dia aki, Minister di Asunto Social y Labor ta reiteira su compromiso den su afan continuo den mehora e calidad di bida y existencia di nos conciudadanan y enfoca riba e importancia

di e derechonan cu cada un di nos tin. Esaki ta e filosofia di Gabinete Wever Croes unda cu e ser humano ta semper central den tur su decisionnan. Den e cartera di Asunto Social y

Labor, a aspecto humano ta cardinal den e maneho di e mandatario.

Pa Minister Glenbert Croes e derecho di e ser humano cu ta traha diariamente pa hiba su mes, su famia y su pais dilanti, ta central. E derecho humano di seguridad laboral y fisico ta pa Gobierno di Aruba, central. Pa e ser humano cu circunstancia ta impidie labora, nan derecho ta pa nos central. E ser humano di mas chikito nan proteccion ta pa nos central. Den Ministerio di Asunto Social y labor, e liña cora den e maneho diario ta e derecho sagrado di tur ser humano sin excepcion algun.

Den entrada di un aña nobo, Gabinete Wever Croes a anuncia un reforma fiscal unda cu tur trahador, tur famia, tur grandi ta wordo

beneficia. E ahustacion den salario minimo cu ta bay na vigor 1 di januari 2019 den combinacion cu e reforma fiscal, ta un alivio mientras cu Minister Glenbert Croes ta continua den e lucha di por aumenta salario minimo den bon consulta cu tur gremionan na Aruba.

Un biaha mas si e yamada di e mandatario: “ami ta lucha pa bo. Abo tambe lucha pa bo mes, pa bo trabou, pa bo famia y pa bo pais por tin un miho porvenir. Cumpli cabalmente cu bo trabou mescos cu e Gobierno aki tambe ta cumpli cabalmente cu bo”, tabata mensahe di Minister Glenbert Croes awe riba dia Internacional di Derecho Humano.

Aruba
9 december 2018



Awo cu 2 florin mas, bo por gana e **MEGA PLUS**

* Afl.

1.425.000,-

* Afl. 1.000.000,- + Afl. 425.000,-
sorteo ta diamars 11 di december
extra

Obtenibel na cualkier rebendedo di Lotto.



VACATURE



Het Dr. Horacio E. Oduber Hospital is op zoek naar een:

Manager Finance & Control

Bezoek onze website of facebookpagina voor meer informatie over deze functie.

www.arubahospital.com • HOH Aruba



Dr. Horacio E. Oduber
HOSPITAL

TOP 95

25 Aña
ROBBY ROSEL
Celebrando

**"E FESTA
OT FIN OT AÑA"**

Dialuna pa diabierna 4:30 pa 6:30 am
Diasabra 5:00 pa 7:00 am
Dielomingo 11:00 pa 14:00



Homber burachi por poco a dal contra auto di polis

De La Sallestraat - Diadomingo marduga durante cu polisnan tawata bezig cu e 2 hombernan maltrata na Watergate, un pick up ta pasa cerca di e patruya y hera dal esaki.

Polisnan a mesora a bay atende cu e chauffeur y a duna orda pa para e auto na banda. E chauffeur a baha di e auto y bay drumi parti patras di e pick up. Agentenan a nota cu e ta bou influencia.

Agentenan a detene y pidi un tranaportwagen pa hibe warda, eyan e no por haci ni su mes of otro persona inocente daño.



CHRISTMAS to you

COLORIN Y GANA

CU SOLO Di Pueblo

Tur diasabra Solo di Pueblo tin su seccion di Colorin, unda cu abo hobencito of hobencita por participa pa e premio grandi, cual ta un BICICLETA.


Sorteo lo tuma luga dia 25 di December y publica Ganadonan dia 27 Solo di Pueblo cu campaña di pintamento pa tur mucha.

Mas bo pinta, mas chens bo tin di gana e premio grandi, cual ta un bicicleta.

Yena bo nomber, fam, adres, number di telefon, y bent'e den e tombola na oficina di Solo di Pueblo na Santa Cruz.

Asina ta, busca bo solo di Pueblo tur diasabra, pinta y deposita bo pintura.

Y no lubida, mas bo pinta, mas chens bo tin di gana.





GOBIERNO DI ARUBA

EDUCACION
EXPRESION
AMOR PAZ
SALUD
DIGNIDAD
TRANQUILIDAD
FELICIDAD
RESPECT
DERECHO
HUMANO
FAMILIA

10 DEC 2018**Dia di Derecho Humano****Respeta derecho di otro ta garantisa bo paz.****Apoya derecho di otro ta garantisa bo pais
progreso.****Logra e derecho di otro pa un mihor porvenir ta
garantisa bo pueblo su felicidad.**

MINISTER GLENBERT F. CROES

Meverly Romano di Departamento di Impuesto:

Por lo menos 280 mil plachi di number lo ta yegando Aruba dia 13 di December



Loke ta preparando tambe, ta un team cu ta bay start mesora, asina cu ricibi e plachinan pa por bay controla e plachinan tambe. Tin cu controla si tur e numbernan tey.

Esey ta hopi importante segun Romano. Ta premira cu e trabaonan ey por dura mas of menos un dos siman, teniendo cuenta tambe cu ta yegando den e dianan di fiesta, cu lo bay tin dianan liber.

Tambe lo bay tin personal cu vakantie. Ta bay busca mas persona pa traha riba

e parti di controlamento di e plachinan. E target ta awor aki, ta pa cuminsa partinan mas lihe posibel. Kier cuminsa haci esey den e prome siman caba di Januari. No sa ainda si e lo logra. Pero si e ta bay logra. Si e no bira den e prome siman di Januari, e lo bay bira den e di dos siman.

Despues lo anuncia e fecha exacto. Pa loke ta trata entregamento di plachi, kier introduci un sistema di cita, caminda cu e cliente ta bisa ki dia e ta bin busca su plachinan, pa asina e bay mas ordena posibel.

E barco cu e cargacion di e plachinan di number ta na caminda. Esey ta loke cu vocero di Departamento di Impuesto a comenta, agregando cu nan lo haci un stop na Colombia pa despues yega Aruba dia 13 di December.

E ta sigui splica cu Inmediatamente despues, ta pidi cooperacion di e departamento di Douane, pa coopera cu e empresario pa por saca e carganan aki mas lihe posibel. Ta en espera di e container. E ta contene masha hopi caha.

Si pensa so cu e plachinan di categoria A, tin mas of menos 73 pa 74 mil na e momentonan aki registra, pero semper ta pidi extra como reserva. Pero si tin 70 mil di categoria A y tin 4 plachi di cada number, ta papiando di 280 mil plachi. E cargacion ta grandi. Ta wardando e cahanan aki wordo entrega na DIMP. Ta haciendo algun trabao di construccion na e localidad unda cu ta bay warda nan.

Pesey tambe den e dianan aki, departamento di Impuesto ta cera pa loke ta trata entregamento y buscamiento

di plachi di number. Ta preparando tur e rekinan, e local mes, pone tur cos na ordo.

Ta bay habri dos local pa por parti e plachinan aki, pasobra e local cu ta usando awor aki ta un luga hopi chikito.

Ta premira un fluho grandi di cliente pa bin ricibi nan plachi y p'esey ta bay habri dos local. Ta hayando hopi peticion di cliente pakico nan no por busca nan plachi den districtonan, manera na Santa Cruz, Savaneta, San Nicolas, etc.

E ta un bon idea. Lo kier haci esey, pero logicamente e ta hopi dificil pasobra e plachinan aki ta algo cu mester wordo warda hopi bon y e ta hopi fastioso pa manda un tek San Nicolas, siendo cu no sa si ta eyan e cliente lo busk'e of no. Den pasado a yega di purb'e y e no a funciona manera mester ta.

Pesey mes e otorgamento di e plachinan ta keda sosode na Camacuri. Solamente awor aki ta bay haci'e den dos localidad. Ta parti e plachinan pa asina por parti e fluho di clientenan tambe.

SNAX FEST

RIBA DIALUNA

AWG 31,⁸⁰

2 TWISTERS
4 PIDA GALIÑA
2 BISCUIT
2 BATATA HASA CHIKITO
2 REFresco DI 16oz DI PEPSI





SAN NICOLAS
5270995
ORANJESTAD
5270996

SANTA CRUZ
5270998
PALM BEACH
5270997



It's finger lickin' good

KFC, Colonel Sanders' Image and related marks are trademarks owned by KFC. © 2018 Kentucky Fried Chicken, all rights reserved. Images for illustrative purposes only. Price in AWG/Glders includes tax and can be changed without prior notice.

PUEBLO A HAÑA SU
PEN BEK

Pa kualkier informacion
solodipueblo@gmail.com
of
☎ 585-9500

Relaciona cu implementacion di Reforma Fiscal 2019:

Partido AVP ta contra pa e clase trahador haya extra placa den nan cartera!



Un sin fin di reaccion sumamente negativo a surgi for di skina di AVP despues cu Gabinete Wever-Croes e siman ultimo a anuncia implementacion di e prome fase pa loke ta e Reforma Fiscal di nos pais. Un hala di politico frustra y envidioso (Mike Eman, Richard Arends, Mervin Wyatt Ras, Jennifer Arends Reyes, Melvin Tromp, Arthur Dowers), kendenan tur durante 8 aña di gobernacion di AVP no tabatin e curashi ni e capacidad pa percura pa un cambio den e sistema fiscal anticua cu nos pais a conoce pa decadanan largo, a baha manera zamuro riba e asunto di Reforma fiscal nobo. Cu esaki tambe a keda demostra cu AVP ta contra pa reduci e tarifa di impuesto directo y consecuentemente contra pa e clase trahador haya extra placa den nan cartera. Nos tur por corda ainda con e ex-Minister di Finansa Bermudez na 2016 a haci un movecion den e direccion aki y kier a introduci un Algemene Bestedings Belasting (ABB) pero finalmente el a wordo prohibi door di Mike Eman pa sigui cu esaki y cu te hasta a yega asina leu cu Mike Eman a pone un bosal na su boca pa e no papia mas riba e topico aki.

Vision y curashi

Hecho ta cu e unico gobierno cu desde Status Aparte tabatin e vision y curashi pa percura pa comienso di un cambio total di impuesto directo pa impuesto indirecto tabata Gabinete Oduber na 2007. Hopi politico di AVP tur dia ta come y lubida, pero cu implementacion di e impuesto indirecto BBO, un rebaho substancial a ser realisa den e tarifican di loon (inkomsten) belasting y cu finalmente a conduci cu tur trahado a keda cu mas placa den nan cartera. Esaki ta un logro cu ningun otro partido politico por kita for di MEP. Te hasta partido AVP cu den campaña pa eleccion 2009 a priminti sagradamente di kita e BBO, a mantene y brasa esaki y durante 8 aña nan a djo djo cu tur e sumannan miyonario ricibi di e impuesto indirecto aki. Pero nunca den e 8 añanan aki nan pa percura pa sikiera baha un tiki e tarifa di loon (inkomsten) belasting!

Abismo financiero pa culpa di Mike Eman

Y awe cu partido MEP conhuntamente cu partidonan di coalicion POR y RED kier sigui cu e maneho pa reduci e tarifican di loon (inkomsten) belasting entrante 2019, tur e politiconan rencoroso di AVP ta sapatia gritando manera alma malo cu e

'Reforma fiscal ta un triki', 'Reforma fiscal ta un simpel aumento di impuesto' etc. Te hasta e destructor di nos finansa publico y economia, esta Mike Eman tin e curashi pa declara cu 'Maneho di gobierno ta sigui pusha pueblo den abismo financiero'. Mira kende ta papia di abismo financiero! Un Mike Eman cu durante su mal gobernacion a percura pa deficitnan nunca bisto den historia di nos pais, caminda nos a conoce recordnan di deficit di 443 miyon florin na 2012 y 405 miyon na 2014. Ora Mike Eman ta papia di abismo financiero e mester tin berguensa di bisa esaki, ya cu ta su persona y gobierno a haya un Aanwijzing, KB y Caft den su scochi na momento cu Hulanda a realisa cu Mike Eman tabata hibando nos pais na un derumbe total di nos finansa publico cu un averahe di deficit di 274 miyon florin pa aña. Ora Mike Eman ta papia di e supuesto crecimiento economico di 2.3% na 2017, e mester tin berguensa di menciona esey tambe, ya cu e crecimiento economico aki tabata incidental cu a ser crea por medio di e debe nacional gigantesco y biyonario cu su gobierno a haci y tambe tur e debenan extra cu el a crea cu e proyectonan PPP. No ta

Deficit Gabinete Eman

2010	-188.6
2011	-325.2
2012	-443.3
2013	-332.8
2014	-405.8
2015	-184.6
2016	-177.3
2017	-137.3
TOTAL (xmln. Af.)	-2194.9

un arte pa goberna un pais di forma aki.

Finalmente partido MEP ta haci un apelacion na tur e politiconan di AVP pa nan samina nan consenshi, recapacita, realisa e daño grandi cu nan a haci durante 8 aña contra nos pais y bin para banda di esnan cu kier bon pa e pais aki y cu ta trahando dia

y anochi pa pone nos pais riba e rumbo di progreso atrobe. After all, lo bay dura te cu aña 2039 pa nos pais bolbe na un debe relata na GDP di 50% cu Gabinete Oduber a laga atras na 2009. Y partido AVP tambe ta responsabel pa yega na e meta financiero aki. Si bo no kier yuda, no stroba y para un banda y wak con otronan ta salba e pais aki.

CHRISTMAS to you

COLORIN Y GANA

CU SOLO Di Pueblo

Tur diasabra Solo di Pueblo tin su seccion di Colorin, unda cu abo hobencito of hobencita por participa pa e premio grandi, cual ta un BICICLETA.

Sorteo lo tuma luga dia 25 di December y publica Ganadonan dia 27 Solo di Pueblo cu campaña di pintamento pa tur mucha.

Mas bo pinta, mas chens bo tin di gana e premio grandi, cual ta un bicicleta.

Yena bo nomber, fam, adres, number di telefon, y bent'e den e tombola na oficina di Solo di Pueblo na Santa Cruz.

Asina ta, busca bo solo di Pueblo tur diasabra, pinta y deposita bo pintura.

Y no lubida, mas bo pinta, mas chens bo tin di gana.

Tuberia di awa a kibra den oranan di marduga, hopi awa a bay perdi



Caya G.F. Betico Croes - Diadomingo marduga pa mainta por a nota masha hopi awa mes den Caya, esaki tawata debi cu un tuberia lo a kibra.

Esaki lo a pasa durante oranan di marduga, orario no ta conoci. Na unda e tuberia tawata ta WEB no por a yega tampoco, mirando cu ta entre dos edificio y cera cu hero.

No ta conoci ken a logra contact un di e personanan responsabel pa asina por a drenta y resolve e problema aki.

Militarnan Hulandes ta wordo deteni na Corsou



Na Corsou tres militar Hulandes ta worgo gara. Nan lo mester a sigui nan caminda despues di un accidente y despues a haci denuncia falso di ladroncia di nan auto di huur.

E tres hombernan tabata riba e anochi di diasabra pa diadomingo, banda di 4'or y mey, involvi den un accidente na Willemstad.

E conductor di e partido

contrario a keda levemente herida, mientras cu e presunto causante di e accidente, e auto gehuur di e tres militarnan Hulandes, a sigui core bay.

Duda

E auto gehuur un rato despues a wordo laga dilanti di un cas. E siguiente mainta, e conductor a duna keho di ladroncia. Despues di un investigacion, polis a haya rason di duda di e

homber y a bay detene e dos otro ocupantenan.

Nan ta wordo sospecha di tres delito: ocasiona un accidente cu herido, bandona e luga di e accidente y haci denuncia falso.

Si tin suficiente pruega contra e tresnan aki, nan lo wordo manda Hulanda di biaha y persigui eyan. E tres hombernan aki ta na Corsou debi na ehercicionan militar.

Polis a hiba turista burachi warda pa e relax



Hot Zone - Diadomingo marduga durante patruya, polis a nota un homber turista basta burachi.

Polisnan a bay chek un ke otro cune, pero e



tawata asina bebi cu e no ta reacciona ariba e agentenan.

Pa seguridad di e homber a opta pa e bay warda, caminda elo keda den un cel te ora e burachi kita.

Parlamentario Endy Croes (MEP):

Henk Kamp di CAFT ta un nombramento ilegal. Un persona cu poco respet pa su mes lo a entrega su retiro



Siman pasa Parlamentario Endy Croes a trece dilanti cu prueba con Hulanda a viola e Ley di LAFT cu e nombramento di e politico

Henk Kamp den CAFT. Parlamentario Croes a splica esaki como cu artikkel 4 lid d ta para claramente cu un persona cu a yega di

aparece riba un lista politico NO por wordo nombra den CAFT. A pesar di esaki a keda claramente musta con Hulanda ta trapa riba nos

leynan sin ningun clase di respet. Esaki ta inaceptabel.

Henk Kamp ta un politico bakia cu a aparece diferente biaha riba lista politico di VVD. Dentro di poco e Ley di LAFT cual ley constitucional tambe tin su deficiencianan cune mester yega Parlamento. Parlamentario Endy Croes ta puntra su mes ta con nos mester deal cu e asunto aki? Ta mescos bo ta pasa un ley cu ora bo pasa den luz cora bo ta comete un infraccion contra nos leynan y Polis lo duna bo un boet. Awor por deduci cu un Hulandes pasa den luz cora Polis no mag di boet e. Asina mester interpreta e abuso aki. Esaki ta impugna integridad cual e gobernacion aki ta para pe. Anto net Henk Kamp, "ilegal" den CAFT tin e pudor

di skirbi conseho alrespecto presupuesto derde kwartaal rapportage di gobierno.

Endy Croes ta trece esaki dilanti pasobra e ta di opinion cu nos mester trata otro cu respet y respeta nos leynan. Si Hulanda ta trapa riba ley di e forma aki ta kico mas por wordo spera. Pues un persona manera Henk Kamp cu tabata riba lista politico y tin un trayectoria hopi largo den politica y a sirbi Hulanda pa hopi aña como Minister mester ta consciente y acepta cu locual e ta haciendo no ta cuadra y ta impugna cu e Ley di LAFT cual ta papia hopi cla. Croes ta termina puntrando Henk Kamp con e mes ta midi esaki den terminologia Hulandes di acuerdo cu Redelijkheid y Billijkheid pa locual e ta haciendo?

Meverly Romano di Departamento di Impuesto:

Ta recomendabel pa paga plachinan di number awo cu ta tempran



Ta recomenda si e automobilistanan cu si ta nan alcanse pa paga e belasting awo caba na December, pa haci esey, pasobra ta mirando caba cu Januari ta bay bira sumamente druk, principalmente e di dos mita

di Januari. E ora tin un paar di mil hende na bo porta, ni maske kico pasa, no por yuda tur hende pareu, segun vocero di Departamento di Impuesto, Meverly Romano. E tempo di espera lo bay bira mas largo. Tambe ta

encurasha clientenan pa haci e pago online. Esey ta hopi sigur. E sistemanan di banco ta hopi sigur. Ora cu haci e pago online, pone e nomber completo, persoonsnummer y e periodo cu ta wordo paga. Un cos hopi importante ta, cu DIMP no ta bay acepta e pago di aña 2019, si e cliente su adres no ta na ordo. Si e no actualisa su datonan. Si e cliente tin debe bieu y tampoco no ta bay acepta un pago di 2019, si e registro di e auto no ta corecto.

Hopi cambio

Internamente tin hopi cambio tumando luga. Tin hopi pregunta di cliente. Tin cliente cu ta reclama cu nan a paga nan belasting di 2019, pero nan no a haya nan plachi. Ta algo cu a anuncia algun siman atras, cu ta bay habri e posibilidad di pago, pero no

ta posibel pa haya e plachi ainda, door cu ainda DIMP no a ricibi nan ainda.

Ora cu e ta asina leu lo anuncia na e clientenan. Tambe ta haya clientenan cu ta bisa cu nan no kier paga nan belasting for di awo caba, pasobra toch e plachinan no tey.

Cambio di auto

E personanan cu a haci cambio di auto durante aña y no a update e registro di e auto, nan a djis cambia e plachi pone riba e otro auto, esey dado momento, ora cu nan bin pa paga 2019, no ta bay acepta e pago tanten cu e registro di e auto ta actualisa y e ta corecto.

Ta bisa tur esakinan delanta pa evita cu e cliente ta tuma un number, bay sinta largo den sala y pa ora cu e yega na caha, e cahero ta inform'e

cu e no por haci pago pasobra por ehempel e adres no ta na ordo.

Esey kier evita e frustracionnan aki, no solamente pa e cliente mes, pero pa DIMP tambe, pa tur cos cana bon. Asina evita contratiemponan cu lo por surgi.

A cuminsa e siman cu a pasa acepta pago y tabata tin basta hende den sala cu e interes ta grandi pa haci e pago di e belasting na tempo.

Si mira tambe cu e cantidad di clientenan mientras tanto a bira masha hopi mes. Tin un grupo di cliente cu semper gusta paga nan belasting, kit'e for di man den luna di December. Y na e momentonan aki pagonan ta bayendo bon y lo continua den e simannan cu ta sigui.

Dama bou influencia ta keda deteni



Weststraat, Oranjestad: Diabierna den oranan di anochi, polis durante patruya ta nota un auto coriendo un poco sospechoso, mesora a para e auto aki y a bin ripara cu e dama ta bou influencia di alcohol.

Mesora a pone e dama haci e test di alcohol, e dama a supla hopi mas di locual ta wordo permiti pa por ta tras di stuur.

E dama a wordo deteni y hiba warda di polis, pa e por descansa su curpa.

Ministernan Ruiz-Maduro y Oduber a reuni riba e proyecto Gateway 2030

Minister di Economia ta apoya e inversion miyonario aki pa crea cupo di trabao y spin off nos economia



Diahuebs na su despacho Minister di Finansa, Asuntonan Economico y Cultura Sra. mr. Xiomara Ruiz-Maduro hunto cu su colega Minister di Turismo, Salud Publico y Deporte Sr. Dangui Oduber a reuni cu Sra. Jabine van der Meijs CFO di Royal Schiphol Group, sr. James Fazio CEO y sra. Marion Kan di Hunta di Supervision di AAA NV riba e proyecto Gateway 2030. Esaki ta e proyecto caminda nos airport ta wordo

amplia pa asina por acapara e crecimiento den turismo na nos Pais y segura un conectividad aero mas grandi. Como Minister encarga cu economia, Minister Ruiz-

Maduro ta apoya e inversion miyonario cu lo wordo haci y ta spera cu pronto lo por cuantifica den cupo di trabao y spin off economico pa nos Pais.

**PUEBLO A HAÑA SU
PEN BEK**

Pa kualkier informacion
solodipueblo@gmail.com

of
☎ 585-9500

Partido MEP na Arthur Dowers:

“Pa cada piedra bo kier sigui tira riba nos lider, bo por spera ‘baranca’ den bo direccion”



Den un acto recién di desesperacion y frustracion, parlamentario di AVP Arthur Dowers kende a haci maluzo di e oportunidad cu e politico di Corsou Gerrit Schotte a wordo encarcela siman pasa, a probecha pa scupi su gal berde contra nos lider Evelyn Wever-Croes, alegando cu den pasado nos lider lo tabatin lasonan di amistad cu e politico deteni Schotte. E hecho cu nos lider supuestamente lo a core cu sr. Schotte riba auto di campaña y a ser acompaña pa bay vota tabata e motibo ridiculo pa sr. Dowers purba na mancha e imagen integro di nos lider. Tambe cu su mentalidad di cochino, Dowers a menciona number di un otro persona “Toro” cu tabata wordo sospecha den contrabando di baranan di oro kende supuestamente tambe lo a core campaña den jeep hunto cu nos lider. Ta p’esey lo ta bon pa awe nos di MEP refresca Arthur Dowers su memoria y cu pruebanan palpable muestra su persona di algun caso di personanan

realmente dudoso, corrupto cu tabata anda, negocia, fiesta y core paranda cu politiconan di AVP y en especial e ex-lidernan Henny Eman y Mike Eman.

Spartaco Ghini y rumannan Cuntrera

Ta con sr. Dowers ta considera e amistad di su ex-lider Henny Eman cu Spartaco Ghini cu tabata meti den e mafia, corrupcion y escandalo di e hotel den ruina Beta na aña 1987/1988? Sr. Dowers no ta corda e proyecto di Beta, cu Spartaco Ghini a declara cu ta su custumber di duna 50 mil dollar y tur fin di siman e coruptonan di AVP tabata bay busca chequen cerca e administrador Marachioli? Esaki siguramente no tabata un simpel amigo Spartaco cu a acompaña Henny riba su jeep pa bay vota, pero a tene hemchi pa Henny ora di construccion di e hotel corrupto Beta! E amistad aki finalmente a costa pueblo 216 miyon dollar cu mester a paga pa e escandalo y corrupcion di e garantianan hotelero (SACE).



'Arubaanse partij AVP kreeg geld'

ORANJESTAD, 4 SEPT. De Italiaanse aannemer Spartaco Ghini heeft in 1987 naar eigen zeggen een bedrag van 50.000 dollar in de verkiezingskas van de Arubaanse AVP-partij van premier Eman gestort als beloning voor de verkregen overheidsgarantie voor de financiering van de bouw van het Beta-hotel.

NRC, 4 september 1995

Tambe lo ta bon pa Dowers bay puntra Henny Eman kendenan e tempo ey tabata e rumannan Cuntrera cu tabata deal y negocia cu e gobierno di AVP y di cual famia Eman tabatin un amistad y estrecho cu e rumannan mafioso aki!

Rincon, Gomez y Carvajal

Ta con sr. Dowers ta considera e amistad estrecho di su lider Mike Eman y otro politiconan di AVP cu figuranan dudoso manera Roberto Rincon, Kiko Gomez y el Pollo Carvajal y di cual mayoria di nan ta cumpliendo cu nan condena den prisonnan y esaki debi na tur nan actonan corruptivo? No tabata colega di Dowers mes, esta ex-minister de Meza tabata sinta negocia, come y bati kelki cu Rincon y Carvajal den un restaurant na Aruba? Y ki Dowers tin di bisa di e amistad estrecho di ex-Premier Henny Eman

brasa hunto cu Kiko Gomez y ex-Premier Balkenende di Hulanda den un fiesta te ainda misterioso?

La luna que brilla y Diamante Negra

MEP ta recorda Arthur Dowers tambe con den añanan 90 Hulanda a manda Onno Koerten traha un rapport ariba Seguridad Nacional, unda a señala tur e miembronan di baho mundo cu relacion directo cu gobernantenan di AVP y cual a conduci na kita tur poder ariba Seguridad Nacional for di ex-Ministro di Husticia di AVP mediante KB di 22 di oktober 1994. E nombrenan duna door di Merca na ex-Premier y ex-Minister di Husticia di AVP, esta “La luna que brilla” y “Diamante negra” no ta bisa Dowers nada? Con Dowers mester considera e amistad di e ex-ministernan di AVP

cu tur e miembronan di baho di mundo aki? Cu nan tabata personanan cu simplemente a core campaña den un jeep cu e ex-ministernan di AVP?

E hechonan aki cu partido MEP a trece dilanti ta meramente un parti pa muestra Arthur Dowers e diferencia cu tin entre amistadnan incidental surgiendo den tur campaña electoral cu tur politico sin cu esaki tin compromisonan cu ta mara un pais financieramente y amistadnan cu metanan corruptivo cu ta desgracia un pais door di figuranan dudoso cu ta wordo busca pa husticia internacionalmente y cual figuranan semper a ‘wheel and deal’ cu nan amigonan di AVP y e rumannan Eman. Esun cu grawata ta haya hopi cos di hole!

Dia Internacional di derecho humano 2018

Pa celebra dia internacional di derecho humano 2018, bin join Universidad di Aruba su programa di Social Work and Development cu nan exposicion di estudiante riba e tema di derecho humano, sigui pa un dialogo publico pa e comunidad. E dialogo lo tuma luga den diferente lenga y modera pa e personalidad di media Rona Coster, hunto cu otro docentenan di e programa.


Como parti di un tarea di e studiantenan di prome aña, envolviendo tur estudiante di e cuanter añanan, 25 estudiante lo presenta un analisis di diferente organisacion social cu nan a bishita, for di 2or pa 4or di atardi.

Esaki lo wordo sigui pa un

exposicion publico den e patio dilanti Aula pa 4:15 di atardi, unda gruponan di estudiante lo presenta nan productonan cu nan a prepara pa yuda promove derecho humano.

Despues di e exposicion, tur hende ta invita pa reflexiona riba e maneranan cu nos por confronta abuso y trata di promove derecho humano na Aruba. Kico ta e obstaculonan cu ta stroba nos isla pa defende nos derechonan? Con nos por kibra e silencio cu ta laga violencia y asina tanto otro abuso di derecho humano persisti? Nos kier tende ki e publico tin di bisa door di participa den e forum aki.

Fecha: dialuna 10 di december (Dia internacional di derecho



humano).

Expo ta tuma luga for di 4:15-5:15 di atardi, sigui pa e dialogo publico for di 5:30-6:30 p.m.

Luga: Patio y Aula di Universidad di Aruba (La

Salle Building). Nota: E evento aki ta parti di Universidad di Aruba su campaña "16 days of activism" di violencia contra hende muhe, culminando riba dia Internacional di Derecho Humano.

Durante e periodo aki, De

La Salle lo ta ilumina oranje, simbolizando speranza pa un futuro sin violencia. #HearMeToo.Pa mas informacion contact Ricky Hoek (ricky.hoek@ua.aw) of Jen Ross (jen.ross@ua.aw).

Parlamento Jennifer Arends-Reyes (AVP):

Ta lamenta cu a scoge pa gasta 100 mil florin di placa di Enseñansa pa promove Cannabis

A tuma nota cu prome cu aña caba, Ministerio di Enseñansa a patrocina un conferencia pa promove e uzo di Cannabis. E conferencia aki no lo por tabata posibel sin e sosten financiero di Gobierno di Aruba pa e bunita suma di 100 mil florin! E lo tabata un bon topico cu lo por a busca sponsornan priva, pero no cu mester a uza 100 mil florin for di presupuesto di enseñansa, asina Parlamentario Jennifer Arends-Reyes a duna di conoce. "Mi ta convenci cu mester aloca fondonan asina cu consentimiento di Parlamento, pa haci un evaluacion si e meta di e conferencia ta duna pa uza placa di scolnan pa esaki".

Recientemente a tuma nota cu SKOA a manda informa mayornan cu tin atraso riba schoolgeld, cu lo manda e cobransanan awor pa un incasso bureau, pa forsa mayornan cumpli cu pagonan di scol. Un maneho rigido pa obliga mayornan pa cumpli cu pago sino e alumnonan no mag participa na actividadnan

cultural of tradicional di Sinterklaas ni Pasco y riba dje hopi scol ta scoge pa e grupo di alumnonan aki no ni haya nan rapport. Hopi biaha muchanan cu mayornan di menos recurso ta anhele pa e dianan festivo yega na scol pa nan por tin un celebracion cu ambiente festivo cu muchanan di nan edad. Semper Parlamentario Jennifer Arends-Reyes tabata contra pa straf e alumnonan pa exclui nan di actividadnan of pa nan no haya rapport pa motibo cu nan mayornan no ta cumpli cu pago na tempo di schoolgeld.

Lo ta bon pa evalua si tin fondonan di cultura of di Enseñansa mes pa evita cu muchanan wordo exclui di actividadnan escolar pa motibo financiero of pa motibo cu mayornan no por cumpli cu e pagonan. Miembro di Parlamento Jennifer Arends-Reyes ta di opinion cu no mester perhudica e muchanan pa falta di cumplimiento di nan mayornan, specialmente den actividadnan escolar cu ta



bon pa nan desaroyo social y emocional.

Actualmente Gobierno di Aruba ta evaluando con pa cambia leyman necesario pa por permiti uzo di cannabis medicinal na Aruba. Pa por promove e idea y haya mas sosten den comunidad, a dicidi di organisa un conferencia. Te eynan no tin problema. "Pero si e discusion ta un tema di salud, anto laga Minister Dangui Oduber saca placa di Hospital of AZV pa promove

cannabis, pero no saca placa di enseñansa. E presupuesto di enseñansa no tin nada di haber cu uzo di cannabis medicinal. A kita placa pa cumpra buki di scol, pa yuda muchanan cu no por paga schoolgeld, pa un conferencia di cannabis, cu ta un decision descabeya y inacceptabel den comunidad", asina e Parlamentario di AVP a enfatisa. Biniendo for di e industria di enseñansa, e sa di e necesidadnan financiero cu tin na scolnan y di otro banda e conoce e retonan di uzo di

e mesun cannabis aki entre studiantenan!

"Pesey tur fondo, pa con chikito por ta, cu ta sali di e presupuesto di Enseñansa pa duna un presentacion na un publico chikito pa algun ora, ta lamentabel siendo cu tin muchanan cu si lo por a beneficia directamente di e fondonan destina pa Enseñansa" asina Jennifer Arends-Reyes a termina bisando.

Aruba Bank activo durante di e Hour of Code mundial

Alumnonan di PiusX Invitadonan Special durante e mainta

, Aruba – 9 di December 2018: Aruba Bank a uni na “Hour of Code”, asina formando parti di e iniciativa internacional aki cu ta atrae mas di 1 miyon di mucha rond mundo durante full e siman di 3-7 di December. Aruba Bank a organisa un evento di “Hour of Code” pa un total di 50 estudiante di Pius X Basis School. E mainta aki e muchanan tabata contento di e oportunidad y experiencia cu nan a ricibi di e “Hour of Code”, presenta conhuntamente cu e boluntarionan di Aruba Bank.

E evento di “Hour of Code” ta pa introduci hobennan na e ciencia di “coding” y “programming”. Un team consistiendo di “Developers” den e team di IT di Aruba Bank a forma parti di e mainta aki. E coleganan tambe a haci un “Demo” di un ehempel con un “simple coding” por soluciona un problema of haci e proceso mas facil of eficiente pa un scenario den banco.

E meta di e iniciativa di Hour of Code ta hopi importante pa mundo henter, mirando cu tecnologia ta forma un parti primordial awendia. Ta importante pa nos den sector priva por yuda nos hobennan cu “skills” of habilidadnan cu lo yudanan ta mas innovativo cu nan por uza den cualkier profesion den futuro.



E programa aki di Hour of Code (available riba Hourofcode.com) ta available y ta diseña pa tur hende desde 4 aña di edad, y e ta available full aña pues no solamente durante e siman of dia di □Hour of Code□.

Cuminsa siña e muchanan na un edad trempan, nan ta crea un fundeshi pa ta mas exitoso na unda cu nan bay den e mundo moderno aki. Aruba Bank ta contento di por a organisa e □hour of code□ pa yuda e muchanan sigui desaroya nan mes pa mundo cu ta birando mas tecnologico. Ta gradici maestronan di Pius X School pa a acepta e invitacion di Aruba Bank.



Invitacion



Fiesta di la Virgen di Guadalupe

Pueblo di Aruba
ta keda cordialmente invita
pa e celebracion di fiesta
di La Virgen di Guadalupe

DIARANSON 12 DI DECEMBER 2018
ORA 07:00PM

Misa Santa Filomena na Paradera



**Homeneje canta pa di 11 anja pa Sandra Croes y Rosy Creeze
Hunto cu Mariachi Perla**

Parlamentario Endy Croes (MEP):

“Mike Eman di AVP, bo overbruggingstoelage a caba Bay traha awor!”

Parlamentario Endy Croes ta splica cu fin di november e overbruggingstoelage di Mike Eman a caba y ta tempo pa e cuminsa traha awor. Mike Eman a cobra salario di minister pa un año largo.

Mike Eman a opta pa no drenta Parlamento di Aruba traicionando asina mas di 7000 votador cu a deposita nan confianza den su persona cu e speransa cu nan lo haya un representante digno den Parlamento.

Pero atrobe arogancia y sed pa poder a domina den e venanan di Mike Eman unda el a scoge pa no drenta Parlamento y caminda e mester ta pa haci su trabao. Mike Eman a prefera di haci uso di e ley cu ta permitie cobra 12 luna su salario di minister y keda asina sin traha y drumi den su penthouse den Marisol Building. Mientras tanto 12 luna a pasa y overbruggingstoelage tambe a caba.

Ban wak con Mike Eman lo haci cu su bida di luho awor. Parlamentario Croes ta sigui splica cu e manera di biba di Mike Eman ta bisa bo hopi. Na tres ocasion Mike Eman a manda EMCO failliet.

Tambe ta conoci cu tras di maneho di Mike Eman, ATV tambe a bati bancarota y tin añanan cu no a paga ni huur. Pues na mesun manera aki Mike Eman a maneha Aruba.

Nos por corda su disertacion den Parlamento momento cu el a bisa cu no tin otro manera y Aruba lo sigui bay djis un tiki mas den rood. Tambe su otro expresion cu e ta orguyoso di e debe y e debe t'ey pa nos tur bay pag'e den futuro. Aki Mike a referi na e debe nacional cu el a redobla.

For di 41.7% na 2008 pa 90 % na 2017. Pues di cada florin cu drenta caha di gobierno 90 cen ta bay na paga debenan di Mike Eman y AVP.

Pueblo, bo ta haya esaki husto? Esaki a conduci cu interes tambe a mas cu redobla y Pueblo di Aruba mester a paga 219 MIYON florin solamente na interes riba placanan presta di Mike Eman y AVP cual ta igual na mas di 600 mil florin pa cada dia, 365 dia pa año. Pues e mesun manera cu Mike Eman a maneha EMCO y ATV mandando tur dos failliet Mike Eman a maneha pais Aruba.

Tristo pero esaki ta e puro



berdad! Enbes di drenta Parlamento a opta pa sigui cobra un año largo sin traha y usa su tempo liber pa pasa baba hende na entiero.

Diripiente dialuna ultimo a yama su activistanan unda 50 hende a acudi pa malinforma pueblo riba e reforma fiscal y e reparticion husto.

Su mal maña di manipulacion a keda igual pero pueblo tin'e door y no ta kere den Mike Eman mas. Mike Eman ta sinonimo na HANANAIS, e profeta di mentira di Babilonia di acuerdo cu scritura.

Parlamentario Croes ta termina splicando pueblo

cu nan ta trahando dia y nochi pa trece e alivio real y e reforma fiscal den un reparticion husto ta un di e prome pasonan cual ya caba na fin di januari 2019 pueblo lo bay nota cu e lo keda cu mas placa den su cartera.

Croes ta finalisa bisando cu ora bo topa Mike Eman, puntr'e libremente 'Mike, pakico bo a desgracia nos pida baranca di e forma aki?' Ohala cu nunca pero nunca mas Mike of AVP bolbe na poder.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

S O L O
BRIYANDO FUERTE • TRECIENDO CLARIDAD
Di Pueblo

Tipline: 585 9500

e-mial: solodipueblo@gmail.com

Coursou:

Boeing di Corendon ta cla pa bula

E Boeing 737-800 cu Corendon lo desplega na Coursou, ta cla pa bula. Pafo e tin stickernan nobo, cu awo tambe ta dorna Divi Divi Air riba e avion.

E avion a sali for di diasabra pa Coursou. El a sali for di Amsterdam direccion Islandia, unda cu e lo a bula pa Canada, unda cu e ultimo parti ta bula bay Coursou.

E avion a yega e isla pa 7'or y 45 di diasabra anochi, manera programa.

E prome vuelo comercial di e isla ta programa pa awe, dialuna. e ora e ruta lo cuminsa pa Sint. Maarten. Aki e avion lo bula cinco biaha pa siman cu varios vuelo di Divi Divi y Insel Air, cu tin un 'acuerdo di asientonan blokia', pa cual Insel a cumpra un cantidad di asientonan pa vuelo.

E CEO di e aerolinea, Lars de Brabander no a divulga cuanto, pasobra ta trata di informacion contractual. En total, tin por lo menos 168 pasahero den e avion.

E programa di vuelo pa e ruta pa Sint Maarten ta definitivo. Riba dialuna, diaramars y diahuebs, e Boeing lo sali for di Coursou pa Isla 'Riba, unda cu e lo yega pa 11'or y mey di mainta.

E vuelo di regreso lo sali pa 12'or y mey di merdia for di Princess Juliana Airport bek pa Hato, unda cu e lo baha pa 1'or y 50 di merdia.

Riba diabierna y diasabra, e vuelonan lo sali mas laat. E vuelo lo sali for di Coursou pa 4'or y 10 di atardi riba e programa y e yegada na Sint Maarten lo ta pa 5'or y 40 di atardi.

E Boeing ta bula despues pa 6'or y mey di atardi bek for di Sint Maarten pa Coursou, unda cu e ta baha pa 8'or di anochi.

Divi Divi Air y Insel Air ta bende nan pasashinan los di otro pa diferente prijs. Ambos aerolinea ta haci propaganda cu esaki.

E prijs cu Insel Air tin na e momentonan aki ta di 223 dollar y Divi



Divi Air tin'e riba 188 dollar. De Brabander ta bisa cu e tarificanan lo bay nivela, pasobra segun e, e prijsnan cu Insel Air ta programa pa no genera perdida y no ta spera cu Divi Divi lo haci'e. Segun e ta sigui bisa, diverso condicionnan tambe ta desempeña

unpapel den e diferencia di prijs cu ainda ta presente den actualidad.

Pa loke ta trata e di dos ruta di e avion, pa e ciudad Brasileiro Sao Paulo, ainda no tin ningun noticia. E ultimo noticia di e directora di Divi Divi, Germaine Durand, kende no tabata disponibel

pa un comentario, ta cu ta poniendo e ultimo detaye riba un programa definitivo di vuelo.

Esaki por wordo publica na cualkier momento. Y esaki mester ta posibel pasobra e prome vuelo ta planea pa otro siman diasabra.

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

YUDA TENE ARUBA LIMPI Y BUNITA

SOLO De Pueblo

Special Week

30 te cu 50% di Locura

LG. SMITH BLVD 114 di DESCUENTO

CONTAINER NOBO A YEGA

36B20L POLE FINI
HOER
RETAIL PRICE 56,95
OUTLET PRICE 39,99

46B24L SMALL CAR
HOER
RETAIL PRICE 140,95
OUTLET PRICE 99,99

SYNTHETIC BLEND MOTOR OIL 5W-50
RETAIL PRICE 13,95
OUTLET PRICE 9,49

FROM 155-70R13
CHEVROLET SPARK - ATOS110
RETAIL PRICE 63,99
OUTLET PRICE 49,95

255-55ZR17
TOYOTA-RAV4 - TUCSON-MERCEDES BENZ
NISSAN-SKYLINE
RETAIL PRICE 161,97
OUTLET PRICE 119,95

245/45ZR19 98W R330
RUN-FLAT
NOS TA E UNICO NA ARUBA CU E TIRENAN CU POR CORE MAS CU 80 KM FLAT-TIRE
RETAIL 449.9
OUTLET 299.95

SERIE 7CAPTIVA TOWN & COUNTRY MUSTANG-CRV-TUCSON COMPASS-SPORTAGE LEXUS LS

E MIHO TIRE DI CARGA

155.99 110.00 175/70R14C CARGAY PASAHERO	155.99 110.00 175/65R14C CARGAY PASAHERO	188.99 140.00 205/70R15C CARGAY PASAHERO	198.99 149.98 215/70R15C CARGAY PASAHERO	199.99 159.95 225/70R15C CARGAY PASAHERO
--	--	--	--	--

THE ONLY STORE WITH NITROGEN SERVICE

! TUR COS ! INCLUDED!

- TIRE BALANCE
- NEW AIR VALVE
- NITROGEN FILL

!FREE!

NEW MONA

ONLY IN ARUBA WE ARE THE BEST ☎ 744.59.07



Exstreya di WWE ta sufri un atake convulsivo den pleno evento di "House of Hardcore"



E exstreya di WWE, Big Cass, cual number real ta William Morrissey, a subri diasabra un atake convulsivo durante e intervalo di un evento di e Federacion profesional di lucha libre, "House of Hardcore" na Philadelphia, Pennsylvania, segun e

website Wrestling Inc. a informa. Morrissey mester a aparece den e di dos mita di e "show". E incidente a tuma lugha mientras cu tabata papia cu su siguidornan den e lobby durante e intermedio. Dokternan a atende di

inmediato y mas despues Cass a wordo hiba na un hospital local. Te aina leu no ta desconoce kico a provoca e atake. E promotor di e evento, Tommy Dreamer, a insisti cu e e caso "no tabata relaciona cu droga."

Luchador di MMA ta vence su rival den cuater seconde



Shane McKay, un luchador Mericano di Mix Martial Arts, a elimina cu un solo golpi su contrincante, Joshua Taylor, den solamente cuater seconde cu e combate a cuminsa. E pelea a tuma lugha den cuadro di e torneo MMA Shamrock FC 313 diasabra, na Kansas City, Missouri y e knock-out a converti den esun mas lihe den historia di e torneo. E momento a wordo registra riba video y publica riba e pagina oficial di e campeonato.

CLASIFICADO

e-mial: solodipueblo@gmail.com

Tipline: 585 9500

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500



START DATE

JAN	FEB	MAR
APR	MAY	JUN
JUL	AUG	SEP
OCT	NOV	DEC

HÖER

MODUL NEED CHARGING REPLACE BATTERY

SMART EYE TECHNOLOGY

36B20L
REGULAR PRICE 99⁹⁹ AWG
OUTLET PRICE 39⁹⁹ AWG

58R
REGULAR PRICE 129⁹⁹ AWG
OUTLET PRICE 99⁹⁹ AWG

24R
REGULAR PRICE 119⁹⁹ AWG
OUTLET PRICE 119⁹⁹ AWG

55D23R
REGULAR PRICE 119⁹⁹ AWG
OUTLET PRICE 119⁹⁹ AWG

HYUNDAI / i10
KIA / PICANTO

SUZUKI IGNIS
TOYOTA TERCEL
HYUNDAI ACCENT

KIA RIO
JEEP WRANGLER

HONDA ACCORD
NISSAN VERSA

THE BEST QUALITY STANDARD

GERMAN CAR BATTERIES

ALLTOCAR

¡YOUR FACTORY OUTLET STORE!

LG SMITH BLVD 114 744.89.57



Gimnasta Mexicano Alexa Moreno ta gana oro na Hapon



E medayista mundial Alexa Moreno a colga diasabra un medaya di oro den e Copa Toyota di Gimnasia di Hapon den e ehercicio di salto di potro. Moreno tabata tin 14.466 punto, mientras cu su rivalnan, e Ruso Lilia

Ajaimova y e Hapones Hitomi Hatakeda, a logra plata y brons cu 14.199 y 13.883 punto respectivamente. Cu e resultado aki, e campeon Mexicano ta cera su temporada pa sigui cu su preparacion pa

e Weganan Panamericano di Lima 2019.

Awo e gimnasta ta bolbe su pais pa sigui train, ya cu entrante Januari ta cuminsa su programa di preparacion pa e Weganan Olimpico di Tokyo 2020.

Na 2016, e representante di Mexico durante e weganan di Rio, tabata obheto di critica riba rednan social pa su forma fisico. Atrabes di Twitter

hopi usuario a dedica palabranan ofensivo acusand'e di tin sobrepeso y di no luci e figura cu, den nan opinion, ta spera di un gimnasta.

Despues di e "bullying" cu el a sufri riba e rednan durante e Weganan Olimpico di Rio 2016, Alexa a sigui cu su estudionan universitario y tras solamente dos aña di ausencia, el a

regresa triunfalmente na e competencia ganando brons den salto durante e mundialnan celebra dia 2 di November, na Doha, Qatar.

E victoria den e Copa Toyota a cera boca di esnan cu a critica e gimnasta pa su aspecto y awo Moreno ta ricibi apoyo y felicitacion di un multitud di fanatico.

WASTE HANDLING CLEANING SERVICES

10FT



20FT



30FT



PRIJS DI BAKI:

TE 150-175-200-250

*PRIJS TA DEPENDE DI KI TIPO DI SUSHI

YAMANOS NA:
560 3500 OF 563 4201



9 uso interesante di comcomber cu lo bo desea di conoce

Comcomber ta un berdura dushi conoci pa su contenido halto di awa y nutrientenan esencial. Desde antigüedad, e tabata un di e ingredientenan basico pa e preparacion di salada y recetanen vegan, cualnan ta probecha di su sabor y aporte abao di caloria.

Ademas, ta wordo comproba cu e tin beneficianan interesate riba nivel estetico y, ademas, e por ta util den e realision di algun trabao di cas.

E miho di tur cos ta cu e ta disponibel riba mercado durante tur epoca di aña, na un prijs modera y accesibel pa tur.

Na e ocasion aki nos kier comparti en detaye su 9 usonan mas interesante pa bo no stop di saca provecho.

Tuma nota!

1. Tratamento pa celulitis

Mirando cu e ta un alimento rico den awa y antioxidante, e consumo y e aplicacion topico di e pepino of comcomber, ta contribui na disminui e apariencia di celulitis.

Su fitokimiconan ta protehe e colageno y e elastina di e cuero, pa cual ta disminui e flacides y e buraconan chikito cu ta forma riba su superficie.

Con pa use?

- Hinka e comcomber den blender, haci'e den forma di batido, y despues bo ta frega cu massagenan suave riba e areanan afecta.

- Lag'e actua pa 20 minuut, hawa y ripiti su uso, por lo menos tres biaha pa siman.
- Completa su efectonan bebiendo un glas di juice di comcomber pa dia.

2. Pone hero inoxidable briya

Mayoria di hende ta prefera pa cumpra productonan di limpieza artificial pa haci nan obhetonan di hero inoxidable briya, sin sa cu nan ta contene substancianan kimico agresivo.

Loke hopi ta desconoce cu un ingrediente manera e comcomber por yuda cumpli e mesun tarea



pero di un forma ecologico y saludabel.

Con pa us'e?

- Corta varios wiel di comcomber fresco y frega riba e elementonan cu bo ta desea pa haci limpi.

- Ripiti e mesun accion e biahnan cu ta necesario y pa finalisa, polish cu un paña seco.

3. Mask pa rehubenece e cuero

E aplicacion di comcomber riba e cuero ta un di e miho tratamentonan natural pa evita e señalnan prematuro di embehecimento.

Su compuestonan activo ta disminui lachi, mancha y otro imperfeccionnan cu ta afecta beyesa.

Con pa use?

- Procesa mita comcomber den blender, meskl'e cu un poco di azeta di oleifi y aplik'e riba e areanan di e cuero cu mas mester di trata.

- Lag'e actua como minimo 20 minuut y despues hawa.

- Us'e te cu tres biaha pa siman.

4. Remedi pa combati mal aliento

E propiedadnan di e vegetal aki tambe ta util pa neutralisa mal aliento cu ta keda despues di come platonan cu siboyo y knoflok.



Con pa use?

- Corta un wiel di comcomber sin kita su casca y kauw riba dje durante dos of tres minuut.

5. Polish un sapato di cuero

Sapatonan di cuero y materialnan similar por haya un briyo cu un simpel wiel di comcomber.

Con pa use?

- Corta un pida comcomber, freg'e energicamente riba e superficie di e sapatonan y kita e exceso cu un paña suave.

6. Elimina e vapor di baño

E glasnan di baño por haya manera un tipo di laag ora cu nos douche cu awa lauw of cayente. Si e situacion aki ta molestiabo y bo no ta conta cu hopi tempo pa haci nan limpi, anima bo mes na probecha e beneficianan di e comcomber.

Con pa us'e?

- Frega un pida comcomber riba henter e superficie di e glas prome cu habri e kramchi.

- Seca e exceso di awa cu un pida paña suave.

7. Remedi pa dolor di cabes

Si despues di un dia largo di trabao bo ta sinti dolor di cabes tensional, tur loke bo tin mester ta un poco di comcomber pa relaha bo mes.

Con pa us'e?

- Pela mita di un comcomber, cort'e na wielnan chikito y come nan mey ora prome cu bay drumi.

8. Alivia kemaduranan di solo

Epropiedadnan antiinflamatorio y refrescante di e vegetal aki ta convirti'e den un bon remedi natural pa alivia kemaduranan di solo.

Con pa us'e?

- Corta un wiel diki di comcomber y freg'e riba e areanan afecta, tres biaha pa dia.

9. Kita mancha di potlood

Si bo no tin un producto pa kita e mancha di potlood riba muraya of otro superficienan, purba di pone den practica e interesante uso aki di e comcomber.

Con pa us'e?

- Coy un pida comcomber sin pela y freg'e pa algun seconde riba e zona afecta.

- Ripiti si bo ta considera necesario y seca cu un paña si keda rastro di awa.

Manera cu bo a caba di tuma nota, ta existi hopi uso alternativo pa e prodigioso berdura aki. Cuminsa na disfruta di e finnan aki y descubri cu e ta un bon aliado den bo hogar.



River Plate ta derota Boca Juniors y ta corona campeon di Copa Libertadores



E final di Copa Conmebol Libertadores, cu pa prome biaha den su historia ta disputa p'afo di e continente Americano, a keda den man di River Plate, tras di un victoria di 3 gol pa 1 riba su archirival Boca Juniors.

E cuadro miyonario a keda cu e titulo despues di a cuminsa abao den

e scoreboard: Dario Benedetto a marca e gol di Boca den di 44 minuut, mientras River no a logra concreta su wegá. Una bes cu e di dos parti a cuminsa, e miyonarionan a subi veld cu otro mentalidad y a logra igualdad den minuut 68 door di Lucas Pratto.



WASTE HANDLING CLEANING SERVICES

SCEPTIC TANK (7 CUBE)

PRIJS SPECIAL
AWG 75,-



YAMANOS NA:
560 3500 OF 563 4201

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500



Atleta di Volleyball NAKISHA WINKLAAR a ricibi un scholarship na Estados Unidos

E Atleta di Volleyball Nakisha Winklaar, hunto cu su Mayornan, despues di a dedica un periodo largo di preparacion pa por a continua su estudio na Estados Unidos, ta weita un di su soñonan wordo realisa esta pa sigi studia y forma parti di un Team Internacional di Volleyball.

Aruba Volleyball Association ta sumamente contento cu e noticia aki cu e Atleta Nakisha Winklaar a ricibi un Scholarship na USA pa continua no solamente cu su estudio pero tambe pa sigi desaroya y profesionalisa su mes den su deporte di volleyball.

Den e mundo di volleyball aki na Aruba, Nakisha Winklaar ta conoci como e Atleta cu e dedenan magico. Na un edad hoben Nakisha Winklaar a cuminsa practica e deporte di volleyball y ya for di comienzo di su trainingnan Nakisha tawata resalta como un Setter di Volleyball. Den mundo deportivo y muy especial den e deporte di volleyball, un Setter tin un rol masha importante y Nakisha Winklaar a nace cu e Don di ta un colocadora/armado den e wega di volleyball. Nakisha a resalta na Weganan Escolar di Volleyball, na Olimpiada Escolar, cu Selección di Scol unda Nakisha a participa na e Weganan di Volleyball Interinsular y hopi jong ela cuminsa train volleyball organisa cu e Team di Savaneta La Fama y ultimo añanan ela hunga cu e Team di Damas di POVA.



E Atleta Nakisha a forma parti di e Selección di Teamnan Escolar y tambe di e Selección pa Weganan di Reino. Y na aña 2016 Nakisha Winklaar a forma parti di e Selección Nacional di Volleyball di Aruba cu a competi na e "CAZOVA World Championship Qualification Tournament" cu a tuma lugar na Aruba. Y e aña aki na 2018 Nakisha a forma parti di e Selección Femenino di U-23 di Aruba como e Capitan di e Selección Nacional y como e Setter principal.


Na diferente ocasion, tanto local como den Torneonan Internacional di Volleyball Nakisha Winklaar tawata sobresali como Setter den e Team/Selección. Entrenadornan Internacional di NORCECA cu tawata bini Aruba den cuadro di e desaroyo di volleyball aki na Aruba, semper tawata laga atrás un nota di interés y prospecto pa e Atleta Nakisha den kende nan tawata visiona un Atleta cu por yega leu como Setter den volleyball.

Y asina a sosode tambe cu na momento cu Nakisha Winklaar a obtene e oportunidad na BROWARD COLLEGE na Miami, unda ela ricibi un scholarship pa e por continua cu su estudio y alabes forma parti di e Selección di Volleyball di dicho Colegio.

No por keda sin expresa palabranan di gratitud pa Sr. Irald Phelipa y Sr. Trevor Therolde kendenan ta e dos personanan cu a dedica, apoya y yuda e Atleta Nakisha Winklaar realisa un di su soñonan.

Directiva di Aruba Volleyball Association ta felicita e Atleta Nakisha Winklaar, su Mayornan y henter famia cu e logro significativo aki y ta desea Nakisha hopi éxito cu su estudio y su carera como Hungado Internacional di Volleyball.

Nakisha Masha Masha Pabien y Hopi Éxito ;



Accident na e crusada Adriaan Lacle Boulevard cu Beatrixstraat, un persona a keda herida



Adriaan Lacle Boulevard/ Beatrixstraat, Oranjestad: Diabierna den oranan laat di anochi ta sosode un accidente cu hende herida na e crusada di Adriaan Lacle Boulevard cu Beatrixstraat, mesora a manda polis na e sitio.

Na yegada nan a bin compronde cu un Toyota Corolla biniendo for di Beatrixstraat, a subi Adriaan Lacle Boulevard sin a duna preferencia na un Mitsubishi ASX cu tabata riba Adriaan

Lacle, e dama manehando e Mitsubishi no por a haci nada pa evita e accidente y a dal e Toyota Corolla.

E impacto tabata hopi fuerte cu e airbag di e Mitsubishi a sali y esaki a herida e dama chauffeur di e Mitsubishi ASX. Polis na e sitio a pidi pa presencia di ambulance pa atende cu e chauffeur di e Mitsubishi. Ambos auto a haya basta daño material.

Ta haya curpa cu por ta di e yiu muhe desapareci di un multimiyonario Britanico



Na New Zealand, polis a haya diadomingo un curpa cu porta pertenece na Grace Millane, e yiu muhe desapareci di e multimiyonario Britanico, David Millane.

"Awo lo tin cu tuma luga e proceso di identificacion formal," e detective Scott Beard a afirma, agregando cu polis ta kere cu ta trata di e curpa di Grace debi na e evidencia cu nan a reuni den e ultimo diano.

E cadaver a wordo haya den un bushi cerca di e carretera di Scenic Drive, p'afu di Auckland. E hayasgo aki "ta pone fin na e buskeda di Grace," segun Beard.

E hoben a desaparece bispo di su di 22 cumpleaños y aw ordo mira pa ultio biaha diasabra anochi ultimo den hotel CityLife cu un hombre di 26 aña, kende polis ta acusa di su asesinato.

Oficialnan a relata cu e suheto tabata cu Grace Millane den varios luga prome cu a compaña'e na CityLife. E hombre ta bao di custodia di plis te cu dialuna, ora cu e lo parece dilanti corte di e distrito di Auckland.

Tata di e hoben, David Millane, multimiyonario Britanico dedica na realestate, a relata den un conferencia di prensa cu Grace a yega na New Zealand di vakantie despues di a pasa cuater siman na Peru y desde su yegada, dia 20 di November, e no a para di "bombardea" su famia cu mensahe y potret.

E famia a expresa nan inkietudnan despues cu e no a comunica cu nan pa varios dia, hasta durante su cumpleaños, diadomingo ultimo.

Prijsnan di produccion na China a subi 2,7% anual na November; IPC a subi 2,2% anual

E prijsnan den e fabricanan Chines a subi na November riba un ritmo mas lento desde October 2016 door di a perde forsa di e demanta interno nobo, aumentando e presion riba mas medida di e gobierno pa stimula e economia di e gigante Asiatico. En cambio, e inflacion riba e consumo a suavisa compara cu e luna anterior, pa e prijs mas abao di alimento, segun datonan divulga diadomingo pa e Oficina Nacional di Estadistica.

E indice di prijs na e productor (IPP), un medida di e prijsnan cu e empresanan ta ricibi pa nan bienes y servicio, a subi un 2,7 por ciento na November, compara cu e aña anterior, compara cu e aumento di 3,3 por ciento na October, segun e oficina di estadistica.

Analistanan encuesta pa Reuters a spera cu e inflacion di e productornan, tambe usa pa economistanan pa balora e tendencianan den e beneficianan industrial, a fria te cu un 2,7 por ciento na November. Den terminonan mensual, IPP a cay un 0,2 por ciento, compara cu un aumento di 0,4 por ciento na October.

E desaceleracion di e demanda interno a

suma na e lista di preocupacionnan economico di China cu ta agrega na un guerra comercial cu Merca, su principal socio comercial.

E incertidumbre crea pa e pulso comercial aki ta planea riba China apesar di e tregua di 90 dia acorda recientemente pa ambos potencia. Ta existi e preocupacion cu e guerra di medida por escala ora cu e tregua caba, loke lo eherce mas presion riba e autoridadnan Chines pa impulsa e economia.

Di un otro parti, e indice di prijs pa consumo (IPC) a subi un 2,2 por ciento na November compara cu e aña anterior, ralentizando for di e tasa anual di 2,5 por ciento registra na October y bou di e proyeccion di e economistanan di un 2,4 por ciento.

E obhetivo di e gobierno pa e conhunto di e aña ta di un inflacion na consumo di 3 por ciento.

Den terminonan mensual, IPC a baha un 0,3 por ciento.

E oficina di estadistica a atribui e desaceleracion na e caida den e prijs di alimentonan causa pa e propagacion di e keintura di porco.

100 Dia Prome Cu Pasco

Preparando Pa Fin Di Anja

15 September pa 30 December

Sintonise Na Radio y Televison

Presenta Pa Cecilito Lopes

BRIYANDO FUERTE • TRECIENDO CLARIDAD

Tipline: 585 9500

e-mial: solodipueblo@gmail.com

SERVICIO Y COMPRA

Santa Cruz BARBERSHOP
Mon-Fri: 8AM-9PM • Sun: 9AM-6PM
T1.600-6673 • T2.592-1880

Professional tattoo
Pro Tattoo 2
Santa Cruz 36 - A
Tel: (297) 533 6602 - Cel: (297) 593 3946
Oscar Vidal @PROTA2AUA

POWERLIFTING • BODYBUILDING
WARRIORHOUSE GYM

Situa na
Santa Cruz 266
Tel: 566-4478

HAIRCUTS • LINEUPS • FADES • STRAIGHT SHAVES • DESIGNING
FRESH CUTS BARBERSHOP
OPEN FROM MONDAY TO SATURDAY 9:00 AM - 8:00 PM
OPEN ON SUNDAY FROM 10:00 AM
SANTA CRUZ 102 - LOCAL 1
585-0121 747-0121
LOCATED RIGHT AFTER TACO MULLITA CRUZ

Celantro's Grill
Pa pedido yama 594-0635

Dijkhoff Pest Control
SEROE PRETO 14K CEL: 5679166
DIJKHOFFPEST@HOTMAIL.COM

TA BENDE
Store display table
For sale!
700,- florin
Si bo ta interesa
pa compra, por yama na
748- 8280

Bo dak ta lek ??
Nos ta drecha dak cu
garantia di 10 anja,
tambe ta hasi trabow di
verf, welder, coriente,
plumming, metsla,
carpinte, haci cura limpi
y kap mata.
Yama:
560-8568

SEDE DI BBQ
TIN DIADOMINGO
AWO BBQ Y CUMINDA
DI PASCO LO TIN,
AJACA
HAM HORNA
LOMITO
1/4 GALINJA CU SU
REJENO
AROOS CON POLLO
SALADA DI GALINJA
SALADA DI BATATA
BBQ
PINCHO
CHORISO
PA PEDIDO POR JAMA NA
569 0131

!!!GANGA!!!
TRAILER HOME FOR
SALE,
taxatie report 33000
Baratiyo awor
24500,00 discutibel!!
más un chikito pa
6500 negociable
Tur dos pa 30000,00.
Great pa biba den dje of pa
verhuur e, tambe muebles
nan pa motibo
di mudansa.
5929246

Pa bo
matanan
ta berde y bunita
Gordura
di bon calidad. Alf 8, pa saco,
cumpra 10 ta delever gratis.
Tel.
592-6209

VERHUIZING • MOVING • MUDANSA
RENT THIS TRUCK
CUMINZANDO NA
75 FLORIN PA TRIP
WHATSAPP / CALL:
749-3461

SERVICIO SEPTIC
Servicio di Septic Tank – Chica Pos
Yos Septic Tank
Tel: 566-6144 / 748-2689
Yos ta yega mesora y sigur!

CONSTRUCTION
Ta haci
trabao di
coriente, verf,
plumming,
welder,
metsla,
drecha dak,
haci cura limpi,
corta mata
yama: 5608568

Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141

Ambulance San Nicolas	584-5050
Ambulance Sasaki	582-5573
Ambulance Wayaca	582-1234

Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782

Servicio nan

Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913

Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000

Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Foundation	588-9999
Kiningin Wilhelmina Fonds	582-0412
Fundacion pa nos mucha nan	583-4247

MANTENCION DI JARDIN

TA CORTA TUR TIPO DI MATA Y TRIM - SERVICIO DI PESTISIDA - TA TRATA MALEZA DI MATA PA TUR NOS CLIENTENAN - TA TRAHA JARDIN BUNITA - TA DESIGN JARDIN - LANDSCAPE CURA DI CAS OF NEGOSHI - TA DECORA CAS CU MATA Y FLOR - SERVICIO DI DRIPSYSTEM PA MUHA MATA - LIMPIESA Y CHAPI ENGENERAL

YAMA
LINO'S GARDENS & CONTRACTORS
 Cel: 592 4522
 KEN CONOCE TERA, MIHOR CU UN PORTUGUES??
 UN CAS CU MATANAN BUNITA, TA UN CAS ALEGRE!



NUMBER 3

DI LOTO

Cambiando Vida

Lotto Merdia DECEMBER 8	Lotto Anochi DECEMBER 8	DIARIO DECEMBER 9
CATACHI Sorteo # 2415 2402 0079 5739	CATACHI Sorteo # 6655 5092 6717 0535	1. 5768 2. 7111 3. 4965
BIG 4 Sorteo # 2415 0956	BIG 4 Sorteo # 5699 0358	SUPER 4 8301
1OFF Sorteo # 471 4947	1OFF Sorteo # 404 3275	CURACAO DECEMBER 9 1. 3136 2. 0149 3. 7403
ZODIAC Sorteo # 2415 8996 Scorpio	ZODIAC Sorteo # 4458 0244 Tauro	Flamingo DECEMBER 9 1. 3466 2. 7693 3. 1978
LOTTO DIA DECEMBER 9 03 07 11 24 26	LOTTO 5 DECEMBER 8 04 16 18 33 35 10 M	LOTTO MEGA DECEMBER 7 07-13-14-17-08

Lotto Merdia DECEMBER 9

CATACHI Sorteo # 2416 5899 2232 4201
BIG 4 Sorteo # 2416 1655
1OFF Sorteo # 472 4247
ZODIAC Sorteo # 2416 2639 Virgo

Sto. Domingo

DECEMBER 9
1. 0291
2. 2326
3. 5473

Egipto ta investiga e imagen di dos turista haciendo amor riba top di e piramide di Cheops

E fotografo Danes, Andreas Hvid a causa indignacion na e sociedad Egipcio despues di a publica un video di dje y un muhe subiando e piramide di Cheops, y un foto posando sunu riba top di e piramide den un posicion sexual. Autoridadnan Egipcio a tacha di irrespetuoso e actitud di e turistanan y e minister di Antiguedad, Khaled al Anani, a declara na prensa local cu tanto e hechonan como e potret ta wordo investiga pa Fiscalia General. E solo hecho hecho di a subi e piramide ta wordo considera un delito na Egipto, ademas cu desnudez publico tambe ta castigabel den e pais Africano.

Segun e website the Copenhagen Post, e sociedad Danes tambe a condena e acto di su ciudadano como un falta di respet na un monumento cu tin mas di 4500 aña di antiguedad y e unico di e Shete Maraviyanan di e Mundo Antiguo cu ainda

ta existi.

E embahador di Dinamarca na Egipto, Tomas Anker Christensen, ta siguiendo e situacion di cerca y aunke no ta spera cu e ta intensifica, e ta considera cu ta trata di un incidente hopi grave.

Di parti di Hvid, conoci den algun circulo pa su fotografia urbano, a kita ya e imagennan polemico tanto di YouTube como di su cuenta di Instagram, pero un di e potretnan ainda por wordo mira riba su webpage personal y hopi di nan a wordo difundi ya riba internet.

Ademas, den declaracionnan na e corant Danes Ekstra Bladet, e fotografo a bisa cu e tabata tin planea e proyecto aki durante hopi tempo, pero na e mesun momento el a indica cu "ta e idea di mas kens" cu el a yega di pensa. "Hubentud occidental privilegia den su pio momento. Solamente tabata tin mester di un pareha y un boter di vodka," Hvid a confesa.

Polis Mexicano ta haya e curpanan descuartisa di tres turista cu tabata desapareci

Den e estado Mexicano di Veracruz, polis a haya e curpanan descuartisa di tres turista nacional, cu a wordo reporta como desapareci fin di siman pasa.

E restonan di Jonathan Rocha Cruz, di 23 aña, Carlos Ivan Reyes Ramirez di 31 y Fidel Enrique Elizalde Flores di 22 aña, a wordo haya e siman aki den algun saco den un pickup bndona riba un caminta p'afo di e municipio di Sayula de Aleman.

E tres victimanan aki, for di Ciudad di Mexico, a bay cu vakantie na e popular region Veracruzano di Los Tuxtlas, pero debi na un problema mecanico riba nan auto cu nan tabata biaha aden, nan a wordo obliga pa haci un parada y hospeda den un hotel di e ciudad di Acuyacan



(Veracruz), cerca di Sayula de Aleman.

E anochi di dia 1 di

December, e biaheronan a sali bay cumpra cuminda y for di e momento ey nan

no tabata sa nada mas di nan. Te awor aki no ta conoci e motibo y posibel

autornan di e crimen.

Hoben empleado di Google ta muri den oficinanan di e empresa na New York

Un ingeniero di "software" di Google a muri den e sede di e empresa na New York, Merca, New York Post a informa diasabra.

E hoben Scott Krulcik di 22 aña a wordo haya inconsciente e anochi di diabierna na su luga di trabao, segun fuentenan policial.

E reanimacion cardiopulmonar (RCP) realiza pa e personal sanitario no a surti efecto, pa cual a declara morto di Krulcik den e oficinanan di Google.

Ainda ta desconoce e causanan di su fayecimento. E no tabata tin antecedente di consumo di droga of afecionnan medico y e curpa no tabata musta señalnan di golpi, segun



polis a comunica. Mientras cu e tabta asisti na su klasnan na e Universidad Carnegie

Mellon, New York, Krulcik a cuminsa cu su practicanan na Google y a renova como becario

di zomer di 2017 - di Mei pa Augustus - y desde september di aña pasa e tabata tin un contracto

na vigor, segun ta indica den su CV di su pagina personal.

Sudoku

7		2			9	1		
			3				2	
	8		4					5
3				5	2			4
4			1		3			6
2			8	7				3
6					8		3	
	9				5			
		3	7			8		1

Sopi di letranan

Z	P	Y	X	W	I	W	V	Y	O	ALTERO
D	Ñ	U	Q	M	Ñ	J	Y	C	D	BUFIDO
L	S	Y	Y	Q	R	Ñ	O	A	I	CALVEZ
P	A	Ñ	T	F	G	R	D	H	F	CANTEL
A	L	O	X	C	C	A	S	C	U	CIDIANO
R	T	S	N	H	J	R	W	O	B	CORCHE
D	E	K	E	I	O	Y	F	R	Y	CORCOVO
I	R	H	U	D	V	Y	B	C	U	DOBLADA
N	O	Q	I	U	L	I	I	O	U	OLIVINO
A	P	L	D	E	F	D	L	V	C	PARDINA
Y	O	A	T	S	I	U	F	O	A	POLIDOR
P	R	N	I	A	R	Q	J	L	L	QUIJADA
E	A	M	N	A	R	U	W	E	V	
C	B	O	H	P	M	L	F	T	E	
A	D	A	L	B	O	D	I	B	Z	

Condorito



PRONOSTICO DI TEMPO VALIDO TE DIALUNA 10 DI DECEMBER 2018

COMPILA:

DIADOMINGO 09 DI DECEMBER 2018 17:00
(21:00 UTC)

TEMPO:

AWE ANOCHI: LEVEMENTE TE PARCIALMENTE
NUBLA I GENERALMENTE SECO
DEN MARDUGA I MAYAN: PARCIALMENTE TE
BREVEMENTE HOPI NUBLA
CU LOCALMENTE UN AWACERO PASAJERO.

TEMPERATURA MAXIMO 30 GRADO CELSIUS Y
TEMPERATURA MINIMO 25 GRADO CELSIUS.

SOLO LO BAHAWA AWE NOCHI 06:14 PM Y LO SALI
MAYAN MAINTA 06:50 AM.

BIENTO: MODERA TE BASTA FUERTE FOR DI
GENERALMENTE DIRECCION OOST;
FORSA 4 TE 5 (20 TE 39 KM/ORA, 11 TE 21 NUDO)
DEN DIA POSIBLEMENTE FUERTE DEN
RAFAGA;
FORSA 6 (40 TO 50 KM/HR, 22 TO 27 NUDO).

SITUACION GENERAL DI TEMPO:
DEN PROXIMO 24 ORA NO TA SPERA MUCHU
CAMBIO DEN E TIPO DI WEER CU TINI
ACTUALMENTE.

AIRE RELATIVAMENTE SECO LO STROBA
FORMACION DI MAYORIA DI NUBIA CU POR
PRODUCI

YOBIDA. SOLAMENTE DEN ORANAN DI
MARDUGA I MAINTA TREMPAN POR SPERA UN
AWACERO
PASAJERO. SOBRA DI DIA LO KEDA SECO.

CONDICION DI LAMA:
OLANAN DI LAMA LO TA FOR DI DIRECCION
OOST CU HALTURA DI 4 TE LOCALMENTE
7 PIA CU E OLANAN DI MAS HALTO NA
COSTANAN OOST TE NOORDWEST DI E ISLA.

FENOMENONAN SPECIAL: NINGUN

POTENCIAL DI AWACERO PA PROXIMO 24 ORA:
1 MM; LOCALMENTE ESAKI POR VARIA

REGISTRACION DI TEMPERATURA (CELSIUS) Y
AWACERO (MM) DEN ULTIMO 24 ORA:

AIRPORT MAX 31 / MIN 26 / 0.0

PRONOSTICO DI TEMPO PA PROXIMO TRES (3)
DIANAN:
LEVEMENTE TE PARCIALMENTE NUBLA CU
LOCALMENTE UN AWACERO.
BIENTO LO TA MODERA TE BASTA FUERTE FOR
DI DIRECCION OOST;
DEN DIA POSIBLEMENTE FUERTE DEN
RAFAGA;
TEMPERATURA MAX / MIN LO TA: 30/25

Ta acusa secretario di trabao di Trump pa yega na un acuerdo secreto cu un abusador di menor

Un grupo di legislador di Merca, den su mayoria democrata, a exigi pa somete un investigacion riba Alexander Acosta, ex fiscal federal di e ciudad di Miami, actualmente secretario di trabao den e Gabinete di Trump, pa yega presuntamente na un acuerdo secreto cu un delincuente sexual pa reduci su condena, Miami Herald a informa diahuebs.

Segun e investigacion realisa pa e corant, e multimillonario Jeffrey Epstein, experto den finanzas di 65 aña, condena na 2008 na prizon door di solicita menornan pa abusa sexualmente di nan, a yega na un acuerdo secreto cu Acosta tempo cu e tabata fiscal mientras cu su victimanan no a wordo informa di e

convenio.

E pacto a reduci e lista di crimennan di Epstein na dos cargo pa prostitucion. Como resultado di esaki, e empresario mester a pasa 13 luna den prizon di e condado di Palm Beach na luga di enfrenta un posibel cadena perpetuo. Ademá, e acuerdo e permiti Epstein disfruta di un tratamiento special, manera ta confina na un cell den un seccion priva di e prizon y a brind'e posibilidad di salio di e instalacionnan di e centro penitenciario seis dias pa siman durante 12 ora cada dia pa traha den un oficina den un regimen di semilibertad pa trabao, un programa na cual e resto di e condenadonan pa delitonan sexual no por a opta p'e.

Den e demanda, dirigi na e inspector general di e



Departamento di Husticia di Merca, Michael E. Horowitz, mas of menos 20 persona a solicita pa determina e papel di Acosta den e acuerdo aki y pa establece si a produci otro casonan similar.

E documentonan di e investigacion ta indica

cu Epstein a capta entre 2001 y 2006 un grupo di adolescente - di entre 13 y 16 aña - di entornonan desfavoreci na cual tabata convence nan pa nan duna massage cu tabata deriva den abusanan sexual. Posteriormente, nan tabata paga 200 of 300

dollar na e menornan. Di acuerdo cu Polis, un total di 36 victima a bira victima di e abusanan di Epstein, mientras cu Miami Herald tabata eleva e cifra aki cerca di 80 persona.

Ex presidente Colombiano Belisario Betancur a fayece na edad di 95 aña

Diabierna a fayece na Bogota, na edad di 95 aña, e expresidente di Colombia, Belisario Betancur.

E informacion a wordo confirma door di e clinica unda cu e tabata ta interna ya pa algun dia caba.

Abogado y escritor, Betancur a eherce e presidencia di Colombia entre e añanan 1982 y 1986, den un periodo recorda pa e impulso na e procesonan di paz cu gruponan guerillero di FARC y M-19.

Durante su gobierno, el a afronta e crisis di e toma di e Palacio di Husticia na 1985 y a declina ante FIFA na e postulacion di Colombia pa alberga Mundial 1986, pa su interes di usa e placa pa eventonan deportivo den e desaroyo di e pais.

Tambe, durante su presidencia, e mester a asumi e tragedia di Armero, un descomunal deslave cu a laga un saldo di 20 mil morto.

Algun dia pasa, prensa local a reporta cu Betancur a drenta den Clinica Santa Fe na Bogota debi na un afeccion renal.

Reaccionnan riba red

Tras confirma e fayecimento di Betancur, e presidente di Colombia, Ivan Duque a lamenta "profundamente" e partida di "un gran amigo" y a manda condolencia na famia y amigonan.

Di su parti, e ex presidente Juan Manuel Santos, riba su cuenta di Twitter, tambe el a dedica algun palabra na Betancur: "Gran patriota, gran amigo y gran ehempel di entereza, honestidad y humildad."

E senador y expresidente Neogranadino Alvaro Uribe, el a bisa cu e



partida di Betancur "un a muri," el a skirbi riba su gladiador di e democracia, rednan social.

di cultura, un humanista,

**Ta Huur
Apartment
na Savaneta
Tell: 5659518**

Servicio
Bo mester di Coaching Politico??
PR y Marketing Efectivo! Na un bon prijs!!
Anto tuma accion y yama.
Dirk Dumfries Tel: 583-7192

CUSHINA DI NESTOR PA PASCO!!
Ham, Galiña yena, Calacuna yena, Aroz con Pollo,
Lomito y Roastbeef,
Soppi carni baca, Carne y Cabrito, Salada di batata y
galiña.
Pa informacion 569-0131.

AHATA y Barceló Aruba cu fiesta di Sinterklaas pa Casa Cuna



Pa di dos aña Aruba Hotel & Tourism Association (AHATA) hunto cu Barceló Aruba a organisa fiesta di Sinterklaas pa e muchanan di Casa Cuna. Gerente

General di Barceló Aruba, Sr. Samuel Johnson a cuminsa pa organisa un fiesta pa e yiunan di su empleadonan, y despues di conversacion cu AHATA tocante proyectonan

pa contribucion na comunidad, a dicidi di invita e muchanan di Casa Cuna tambe.

Tur e muchanan a pasa un rato masha agradabel hunto. AHATA y Barceló Aruba, ta masha contento di por tabata anfitrión pa e fiesta di Sinterklaas p'e yiunan di empleadonan y muchanan di Casa Cuna.

Pietnan a balila y canta cu e muchanan y tur hende a gosa cu sonrisa riba nan cara. AHATA a ofrece regalo na cada mucha di Casa Cuna y tur a pasa un atardi dushi.

Muchanan ta nos futuro y ta importante pa nan muestra



nan cariño, segun Vanessa Rasmussen di AHATA. Minister di Asuntonan Social, Sr. Glenbert Croes, tambe tabata presente pa comparti e momentonan alegre cu e muchanan.

Barceló Aruba ta gradici pueblo di Aruba, e empleadonan di e resort y tambe AHATA pa brinda nan e oportunidad di sirbi e comunidad via di Casa Cuna.



BRIYANDO FUERTE • TRECIENDO CLARIDAD

Di Pueblo

Tipline: 585 9500

e-mial: solodipueblo@gmail.com



Merry CHRISTMAS to you

COLORIN Y GANA

CU SOLO Di Pueblo



Tur diasabra Solo di Pueblo tin su seccion di Colorin, unda cu abo hobencito of hobencita por participa pa e premio grandi, cual ta un BICICLETA.

Sorteo lo tuma luga dia 25 di December y publica Ganadonan dia 27 Solo di Pueblo cu campaña di pintamento pa tur mucha.

Mas bo pinta, mas chens bo tin di gana e premio grandi, cual ta un bicicleta.

Yena bo nomber, fam, adres, number di telefon, y bent'e den e tombola na oficina di Solo di Pueblo na Santa Cruz.

Asina ta, busca bo solo di Pueblo tur diasabra, pinta y deposita bo pintura.

Y no lubida, mas bo pinta, mas chens bo tin di gana.

